

E aña aki, pa prome biaha

Aruba tin un Reina di Tumba den persona di Anoushca Odor-Jeandor



DIASABRA ultimo a tuma lugar den Aruba Entertainment Center e grandioso Tumba Contest 2009 cual tabata un exito total. Maestro di ceremonia p'e anochi aki tabata Melvin Garcia.

Durante e anochi aki un total di 10 banda a compaña 20 cantante. Tur presente por a goza di un bon festival di tumba. E

tumba contest a wordo dedica na 2 persona cu ta sra. Sharon Rose Berkley-Hennep y q.e.p.d. sr. Saturnino Giel mihor conoci como Nino.

Resultado tabata: Banda mihor uniforma Perfect Sound, mientras cu Ossie Tromp a gana e premio p'e mihor vistuario, Carl-Michael Bikker como cantante mas popular. Na di 5 lugar a keda Ruth Gravenhorst, na 4 lugar Roderick Franken, na 3 lugar Richard "Tattoo" Quant, y na di 2 lugar Chendell Beaumont.

Pa prome biaha

Aruba tin un Reina di Tumba 2009 den persona di Anoushca Odor- Jeandor cu su tumba titula "Djaki". Anoushca ta yiu muher di nos amigo, Robert Jeador.

Stichting Arubaanse Carnival "SAC" kier a duna un danki y pabien na cada un participante, hurado, comision y na tur persona cu di un of otro manera a yuda pa cu e Tumba Contest 2009.

Alabes SAC kier a invita e pueblo Carnavalesco pa siguiente actividad cu ta Calypso y Roadmarch Contest Infantil/Hubenil cu lo tuma lugar diamars awor 27 di januari 2009 den Aruba Entertainment Center pa 6.00 pm.

